



REPUBLIKA E SHQIPËRISË
MINISTRIA E BRENDSHME
PREFEKTI I QARKUT VLORE

Nr. 630 prot.

Vlorë, më 23.04.2019

URDHËR

Nr. 32, datë 19.04.2019

PËR

“PËR MIRATIMIN E PROGRAMIT TË TRANSPARENCËS”



Në mbështetje dhe zbatim të ligjit nr. 107/2016 datë 27.10.2016 “Për Prefektin e Qarkut” dhe neni 4,5,6,7,19 të Ligjit 119/2014, datë 18.09.2014 “Për të drejtën e informimit”, për përmirësimin e cilësisë së funksionimit të informimit :

URDHËROJ:

1. Miratimin e Programit të Transparencës sipas lidhjes nr.1 bashkëlidhur.
2. Miratimin e standartit për formatin dhe përmbajtjen e regjistrit të kërkesave dhe përgjigjeve, sipas lidhjes nr.2 bashkëlidhur.
3. Miratimin e modelit të kërkesës dhe përgjigjes për dhënie të informacionit /dokumentacionit që do të përdoret nga Prefekti Qarkut Vlorë, sipas lidhjes nr.3 bashkëlidhur.
4. Miratimin e akteve shkresore që do të përdoren nga Prefekti Qarkut Vlorë, për vendimarrjet, sipas lidhjes nr.4 bashkëlidhur:
 - a) Për refuzimin e formës së kërkuar, (nenei 14/4)

- b) Për zgjatjen e afatit, nenei 15/3
- c) Për rishikimin e dokumenteve të klasifikuara dhe shtyrjen e afatit, nenei 17/5
- 5. Përditësimin e Programit të Transparencës në përputhje me pikën 4 dhe pikën 2 të nenit 19 të LDI-së.
- 6. Publikimin e Programit të Transparencës në faqen zyrtare të internetit të Prefektit të Qarkut Vlorë: www.prefektiqarkutvlore.gov.al, nën një menu të vecantë të titulluar "Programi i Transparencës" dhe në mjediset e pritjes së publikut.

Ky urdhër hyn në fuqi menjëherë.

**PREFEKTI**

Flamur Mamaj

Lidhja Nr.1

Programi i Transparencës i Institucionit të Prefektit të Qarkut VLORË

HYRJE

Në përputhje me nenin 7 të ligjit nr.119/2014 "Për të Drejtën e Informimit" është përgatitur programi i transparencës për Institucionin e Prefektit të Qarkut Vlorë. Ky program përcakton kornizën ligjore të veprimtarisë së autoritetit në kuadër të ligjit nr.119/2014 "Për të Drejtën e Informimit". (LDI)

Ky program vlerësohet si një mënyrë konkrete përmes së cilës Institucioni i Prefektit të Qarkut Vlorë ndërton dhe rrit transparencën në punën e saj institucionale, nën garancinë e LDI-së. Institucioni i Prefektit të Qarkut Vlorë do të përditësojë herë pas here Programin e Transparencës, në përputhje me pikën 2 të nenit 5 të LDI-së.

Informacioni i bërë publik në këtë program, synon të bëjë transparencën e veprimtarisë së punës së Institucionit të Prefektit të Qarkut Vlorë, nëpërmjet pasqyrit të detajuar të tij në faqen zyrtare www.prefektiqarkutvlore.gov.al Programi i transparencës pasqyrohet në rubrika, tekste/përmbajtje, afatin kohor për bërjen publike të tij, mënyrën e bërjes publike si dhe strukturën përkatëse e cila prodhon ose administron dokumentin.

Në përmbajtje të programit të transparencës evidentohet skema e publikimit, e cila pasqyron menutë ku adresohet dokumenti në faqen zyrtare në internet.

Dokumentacioni i bërë publik, do të jetë i përditësuar në formë e përmbajtje. Faqja zyrtare e Prefektit Vlorë, është ndërtuar në atë formë që mundëson informacion për publikun pa kërkesë dhe në format lehtësisht të kuptueshëm. Në rubrikat e faqes zyrtare pasqyrohen edhe informacione që karakterizohen nga kufizime të identifikimit të të dhënave personale për shkak të ruajtjes së privatësisë së individëve/subjekteve të të dhënave, etj.

Skema e publikimit paraqitet nëpërmjet tabelës përmbledhëse të evidentuar në këtë program.

II. PARIME TË PËRGJITHSHME

1. Parimet kryesore në të cilat mbështetet Programi Transparencës së Institucionit të Prefektit Vlorë janë:
2. "E drejta për informim" është e drejtë Kushtetuese e parashikuar në nenin 23 të saj, e aksesueshme nga të gjithë pa asnjë përjashtim.
3. Prezumimi i publikimit maksimal të të dhënave: Institucioni i Prefektit të Qarkut Vlorë ushtron funksion publik, për rrjedhojë informacioni që rrjedh nga veprimtaria e tij publikohet në përputhje me legjislacionin në fuqi.
4. Zbatimi korrekt i ligjit dhe dispozitave ligjore që rregullojnë në mënyrë të posaçme veprimtarinë e Institucionit të Prefektit të Qarkut Vlorë dhe përkatësisht: Ligji nr. nr.8927, datë 25.07.2002 "Për Prefektin " i ndryshuar dhe Ligji nr. 119/2014 "Për të drejtën e informimit".
5. Informacioni përshtatet në gjuhë të qartë e të kuptueshme.
6. Organ mbikëqyrës i procedurave të informimit publik është Komisioneri për të Drejtën e Informimit dhe Mbrojtjen e të Dhënave Personale.
7. Rishikimi i programit të transparencës bëhet sipas së njëjtës procedurë, përmes së cilës është bërë miratimi i tij.
8. Informacioni publik pa kërkesë duhet të jetë:
 - i plotë;
 - i saktë;
 - i përditësuar;
 - i thjeshtë në konsultim;
 - i kuptueshëm;
 - lehtësisht i aksesueshëm;
 - i pajtueshëm me dokumentet origjinale në posedim të autoritetit publik.

III. INFORMACIONI QË BËHET PUBLIK PA KËRKESË

Informacioni i lejuar për publikim është shprehimisht i parashikuar në nenin 7 të ligjit Nr.119/2014 "Për të drejtën e informimit".

Në përputhje me këtë program transparence të miratuar, Prefekti Vlorë vendos në dispozicion të publikut në faqen e saj të internetit www.prefektqarkutivlorë.gov.al dhe në mjediset e institucionit, kategoritë e mëposhtme të informacionit:

- Strukturën organizative të Prefekturës Vlorë;
- Informacion për procedurat që duhen ndjekur për të bërë një kërkesë për informim, adresën postare dhe elektronike për depozitim të kërkesave për informim, si dhe procedurat e ankimit të vendimit përkatës;
- Të dhëna për vendndodhjen e zyrave të autoritetit publik, orarin e punës, emrin dhe kontaktet e koordinatorit për të drejtën e informimit;
- Mekanizmat monitorues dhe të kontrollit që veprojnë mbi autoritetin publik, përfshirë planet strategjike të punës, raportet e auditimit nga Kontrolli i Lartë i Shtetit ose subjekte të tjera, si dhe dokumentet që përmbajnë tregues të performancës së autoritetit;
- Informacion për procedurat e prokurimit, sipas parashikimeve të ligjit nr. 9643, datë 20.12.2006, "Për prokurimin publik", dhe të ligjit nr. 125/2013, "Për koncesionet dhe partneritetin publik privat", që kryhen për llogari të autoritetit publik, duke përfshirë: listën e kontratave të lidhura, shumën e kontraktuar, palët kontraktuese dhe përshkrimin e shërbimeve apo mallrave të kontraktuara, informacionin për zbatimin dhe monitorimin e kontratave, si dhe udhëzues e politika të ndryshme;
- Informacion për shërbimet që autoriteti i jep publikut, përfshirë standardet për cilësinë e shërbimit, një përshkrim të kategorive dhe formave të ndihmës shoqërore, subvencioneve të dhëna nga autoriteti publik dhe të procedurave për t'i përfituar ato, informacione dhe dokumente që kërkohen shpesh, çdo informacion tjetër që gjykohet i dobishëm nga autoriteti publik;
- Prefekti Vlorë, gjithashtu, krijon dhe arkivon një kopje digjitale të faqes zyrtare të tij në internet, të plotësuar me informacionin që kërkohet në programin e miratuar të transparencës, si dhe për metodat, mekanizmat dhe periodicitetin e publikimit të informacioneve publike, të cilat vihen në dispozicion të publikut pa kërkesë;
- Aktet që përmbajnë rregulla, norma apo kufizime të të drejtave dhe lirive themelore të individit, si dhe me efekt të drejtpërdrejtë për ta, bëhen publike me anë të afishimit apo postimit në faqen zyrtare të internetit, brenda 48 orëve prej miratimit të aktit nga Prefekti i Qarkut Vlorë.
- Informacioni i publikuar sipas kesaj skeme, përditësohet sa herë ai ndryshon.

PROGRAMI I TRANSPARENCËS

Kategoritë e institucionit pa kërkesë	Baza ligjore	Dokumenti/Përmbajtja	Afati kohor për publikim	Mënyra e publikimit	Struktura përgjegjëse
Përshkrimi i strukturës administrative, funksioneve dhe detyrave të autoritetit publik	Urdhri i Kryeministrit për miratimin e strukturës së Prefektit të Qarkut Vlorë.	Miratimi i strukturës së Prefektit të Qarkut Vlorë	Pas miratimit nga titullari. Përditësohet pas çdo akt emërimi.	Në faqen zyrtare Prefekti Qarkut Vlorë	Sektori i Financës dhe Shërbimeve Mbështetëse
Publikimi i rregullores së brendshme të Institucionit të Prefektit të Qarkut Vlorë	Urdhër i Brendshëm	Përshkrimi i pozicioneve të punës, të drejtat dhe detyrimet e punonjësve të administratës së Prefektit të Qarkut Vlorë	Pas miratimit nga Prefekti Qarkut Vlorë		Institucioni i Prefektit të Qarkut Vlorë
Informacion për procedurat që duhen ndjekur për të bërë një kërkesë për informim, adresën postare dhe elektronike për depozitim të kërkesave për informim, si dhe procedurat e ankimit të vendimit	Ligji nr 119/2014 Neni 7/1/c/g	Format kërkesë Format ankesë Adresa postare: Lagja "Hajro Cakëri", Rruga "Sulejman Delvina" Vlorë Adresë e-mail: www.prefektiqarkutvlore.gov.al	Pas miratimit të programit të transparencës		Specialist i Burimeve Njerëzore

Të dhëna për vendodhjen e zyrave të autoriteti publik, orarin e punës emrin dhe kontaktet e Koordinatorit për të drejtën e informimit.	Ligji nr 119/2014 Neni 7/1/c/g	Në faqen zyrtare Prefekti Qarkut Vlorë	Pas miratimit të Urdhrit të emërimit të Koordinatorit për të drejtën e informimit.		Specialist për Burimet Njerëzore
Përshkrimi i procedurave të zgjedhjes, levizjeve paralele të nënpunësve të Administratës publike.	Neni 7/1/d	Ligji nr. 152/2013 “Për nënpunësin publik”	Menjëherë pas përfundimit të procedurës së përcaktuar në ligj. Urdhër emërimi		Spektori I Financës dhe Shërbimeve Mbështetëse Spektori Juridik
Mekanizmat monitorues, Raporte Auditit,Dokumente me tregues performance	Neni 7/1/dh	Raporte monitorimi dhe Auditimi	Me miratim të titullarit		Spektori I Financës dhe Shërbimeve Mbështetëse
Informacion për procedurat e Prokurimit	Neni 7/1/ë	Në faqen zyrtare mund të merret informacioni i nevojshëm	Menjëherë në cdo fazë të prokurimit.		Spektori I Financës dhe Shërbimeve Mbështetëse
Rregjistri i kërkesave dhe përgjigjeve, sipas nenit 8 të ligjit 119/2014	Neni 7/1/k	Moduli I kërkesave	Azhornohet nje herë në tre muaj		Koordinatori për të Drejtën e Informimit

Informacione dhe dokumente që kërkohen më shpesh	Neni 7/1/k	Moduli I kërkesave			Specialist I Burimeve Njerëzore
Informacione të tjera të dobishme	Neni 7/1/l	Materiale ndërgjegjësuere dhe evente si dhe në zbatim të ligjeve të vecanta që detyrojnë publikimin e informacionit të nevojshëm.			Specialist I Burimeve Njerëzore
Mbajtja e dokumentacionit nga Institucioni I Prefektit të Qarkut Vlorë	Neni 7/1/h	Tabelë			Protokoll/Arkiva

V. PUBLIKIMI

Në përputhje me këtë program transparence të miratuar, Institucioni i Prefektit Te Qarkut Vlorë vendos në dispozicion të publikut në faqen e tij të internetit <http://www.prefektiqarkutvlore.gov.al/>, kategoritë e mësipërme, në një menu të veçantë të titulluar “Programi i Transparencës”.

MONITORIMI

Komisioneri për të drejtën e informimit dhe Mbrojtjen e të Dhënave personale monitoron zbatimin e ligjit për të drejtën e informimit, duke nxitur parimin e transparencës në punën e autoriteteve publike, vecanërisht duke sensibilizuar dhe informuar për çështje të së drejtës së informimit.

Komisioneri bën rekomandime për autoritetet publike, lidhur me konceptimin dhe zbatimin e programeve institucionale të transparencës.